

1. Mai 2010

Gasthuus Bäregghöchi 100 / 10 Jahr

Liebi Marianne

Liebe Thomas

Liebi Gescht

100 Jahr dervo 10 Marianne Chüehni u Thomas Linder

Gascht Huus Bär Egg Höchi Chüehni u Linder

I gratuliere hätzlech

Der Gascht

Willkomme, grüessech, hätzlech, Gaschtfründschaft u hocket zuechä  
Ching u Erwachsnegi, Salat, Chrütli, Gwürz u Gmües,  
Röshti u es guets Stück Fleisch, Moscht oder Wy  
gsung, saisonal u chüschtg, kreativ u gluschtig,  
Zyt näh, nid jufle u haschte, niene geits so schön u luschtig  
Süesses, Cafe, Schnaps, zahle u uf wiederluege, zfriede geit me  
wieder hei

Z'Huus

Gmuuret, houzig, Iigang, Fänschter, Dach u Schärme,  
d'Loube zum Verwyle,

Gaststube, Chuchi, Chäuer u Zimmer zum übernachtete  
 Quellwasser, Houzofe, Garte, aues isch liebevou pflegt, zum  
 wohufüehle  
 heimelig ächt u mit Stil

### Der Bär

Geborgeheit, Bärn du liebi Heimat, Chraft, jung u no härzig,  
 mängisch brummig, eigewillig, doch mit eme grosse Revier,  
 Höhli, Winterschlaf u Bäre hunger  
 wiud u bäremanischön

### D'Egg

Wytblick, Überblick, obedruffe u zügig, a egge, exgüsi, uusgsteut u  
 doch für sich,  
 ruhje, raschte, stuune, ärde- u himmuschön

### D'Höchi

Me gseht i d'Höger u a d'Häng, i d'Sytene, d'Chräche, uf d'Egge,  
 d'Iufis, d'Bäch, d'Wäge, d'Wäuder, d'Weide, d'Matte u a d'Flüe,  
 Ächer u Äckerli, Pflanzblätze, Gärte u Meiezüg  
 zu de Nachbare, Burehüser, Spycher, Schöpf u Gwärbetriebe,  
 Sunne, Mond u Stärne, Blitz u Donnerwätter, Schnee u Hagu u wieder  
 schön

Chüehni u Linder

Auso hie obe gits gar grüsli viu

Öpfu, Nuss u Birestiu

Zart u wiud

Donnerwätter u de wieder miud

Ob Bise oder Föhn

äs isch zum Gränne schön

Für Chatz u Muus, für Hung u Ross, für Gross u Ching

U das aues, wöu hie obe isch me Küehn u Ling

vom Bode- bis zum Gänfersee

aui sy hie so gärn gseh

Ob Flyer oder Ferrari, ob gschwinder oder Grüeni

Aus chunnt hie ueche zu Linder u zu Chüehni

Michel Seiler

Gmeinspresidänt Truebschache